

MAVITETAPOJATSICA ITIONCAQUECA JOANCA

Antsatantaquemparoca

Ocatica iroguenti antsatantaquemparoca mavitetapojatsica itioncaqueca Joanca. Irio jorio poneanquitsica quepatsiqui icantajitica Garirea, irio itigarancane Jesoshi. Tequeratagueti incajemeriji Jesoshi, itsipatacari iguentijeguite pajitatsica Santiago, iquitsajiaque. Irocashi itioncacotaqueri irira Joanca paperiqui Yantajiguica 3.1–4.22. Iquenquejajitaque itioncaquero ocatica paperi ichooaquegueti Epesoqui, atsajiaquetari iriguenti quempoguijajiguirica quemisantajiatsica Epesoquitica. Iquenquejajitaque oratica manquigarentsi quemisantatsica aisa irijanijiate itioncajiaqueneca ochooaque quepatsiqui pajitatsica Paritia. Tee intsajiteji quero ajagantsini itioncaquero ocatica paperi, cotanquitsi chooca quenquejajianquitsica itioncaquero arica ajagantsini 87, irooca otsipa ajagantsini arejevaetaro ajagantsini 90, tequeratagueti intionqueroji ivaperite catsantsatanquitsica pajitatsica *Quenquetsatsarentsi Oganejencatatsica Itioncaqueca Joanca* itsavetacotaquerigueti Jesoquirishito, aisa tequeratagueti intionqueroji otsipa pajitatsica *Yonigaajiguequerica Joanca*.

Joanca itioncajiaqueneri quemisantajiaquerica
 Jesoshi cameetsaniji impintsamajiaquempari
 Aapani Irioshi aisa impintsajiaquempari
 irapitsaromentarijateni aisa maasano
 caquinteja. Itsatacaajiaqueri aisa quero inco-
 jiaquerini nintajianquitsica iramatavijajiaqueri
 quemisantajiaquica.

Icamantajiaquerigueti ampintsatavacaajiguempa

¹ Imaica, manquigarentsi, nontioncaquempi
 paperi pashi aviatimpa icoguiaqueca Aapani
 Irioshi. Naatimpa naroguenti quempoguija-
 jiguirica quemisantajiaquica, irootaquequeate
 nonintantacaca nontioncaquempi aviatimpa
 jerijia aisa pirijanijiate. Nopintsamajia-
 aquempi, cotanquitsi tee apaniro naatimpa
 pintsajiguempine, ipintsajiaquempiqueate aisa
 maasano tsajiaqueroca Quenquetsatsarentsimaj-
 aja.

² Nopintsamajiaquempi, atsamajia-
 querotarite Quenquetsatsarentsimajaca,
 oncogitempani onchoocatimotacaji.

³ Iriaqueca Aapani Irioshi aisa Irijanite Jeso-
 quirishito incavintsajiacacaji, impintsatacojiacacaji,
 inchoocatacaajiacacaji cameetsa, atsamajiaque-
 rotari iroomajatatsica aisa apintsatavacaajiacacaji.

⁴ Noshinevaetaca namenajiaqueri pirijanijiate
 iconoagarantajiacacaji inetsanamajiaquero Quen-
 quetsatsarentsimajaca, iquejetacaamajiacacaro
 icamantajiacacaji Aapani Irioshi.

⁵ Imaica, manquigarentsi, noncamantaquempi
 iintsija ampintsatavacaajiguempa maasano

aatimpajia. Aritarite ocatica notioncaquempica tee irooqea otsipa iroaquerari quenquet-satsarensi, iroguenti icantaqueca Aapani Irioshi itsatacaajitacajica iroaqueragueti aquemisantajiaquerigueti.

⁶ Ampintsatavacaajiaquempagueti aatimpajia mana anetsanajiaquero maasano icanqueca Aapani Irioshi, piquemaquetari iroaqueragueti icanti: “Pimpintsatavacaajiguempa.”

⁷ Iquenaguetanaquequea quepatsipaequi oshequi amataajiatsica cantajiatsica tee incaquintetapoje Jesoquirishito, tee intsino-tapoje. Maasano quejetarica imaica iriguenti amataatsica aisa iriguenti catsimatirica Quirishito.

⁸ Inchiquiojitaja pamatavijacaantajigatsi ariquea povashiantajianajero pimpeaco-jiajemplo maasano notsatacaajiaquem-pica. Picancani pinetsanamajajianaquero Quenquetsatsarensimajaca cameetsanijite incavintsajimentajiaquempinijite Aapani Irioshi coajica ontaniqui jenoqui inquitequi iroguishinejamajajiaquempiqueate.

⁹ Imaica noncamantajiaquempi aato itsipatari Aapani Irioshi irira cantatiguiroca itsatacaantaqueca Quirishito, cotanquitsi iriraquea netsa-natiroca quisho oaqueroca irioquea intsipamajataquempa Aapani Irioshi jeri aisa Irijanite.

¹⁰ Quericaca coraquetanquitsine intsatacaajia-avetaquempi otsipa teeca onquejetemparoji itsatacaantaqueca Quirishito aato poguisavicajiava-queri pitsovironaquitequi, aisa aato pishineventajiavacari.

¹¹ Irira shineventajiavaquemparineca mana iquejetacari iriatimpa, yantaquero teeca oncameetsateji yamatavijantaquequeate.

Ivegaratanajirogueti itioncaqueca

¹² Nonintavetacaqueate noncamantamajaji-aquempime maasano, cotanquitsi tee noninteji nontioncajiaquempi paperiqui, noquenqueja-quetarite noanaque oraniqui aviatimpajiaqui inchiquiojita nonquenquetsatacaajiaquitempi cameetsanijite ashinemajajiaquempa maasano.

¹³ Ariqueate ichoocajiaque acaniqui irijanijiate piguetyote icoguaqueca Aapani Irioshi on-quemisantamajataqueri. Iriatimpajia inintajiaque pinquemacojiajeri iquenquejajiajimpi. Ari oncoquempa.

**Iroaquerari Itioncacaantaqueca Aapani
Irioshi: Tsavetacoquerica Amajirote
Jesoquirishito
New Testament in Caquinte (PE:cot:Caquinte)**

copyright © 2008 Wycliffe Bible Translators, Inc.

Language: (Caquinte)

Translation by: Wycliffe Bible Translators, Inc.

Caquinte[cot], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Caquinte

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-12-21

PDF generated using Haiola and XeLaTeX on 18 Apr 2025 from source files dated 29 Jan 2022

a31aed44-e5b1-5420-8e3c-cccf224c4988